



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

LV. De non immutando Habitu, & Breviario a Congreg. Præmonstraten.
Hisp.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

CLEMENS PAPA XI.

Ad futuram rei memoriam.

lium Sacris Ritibus Præpostorum ad supplicationem dilecti filii Josephi de Sottomayor fratris expressæ Professæ, ac Proministri Provincialis Provinciæ Mexicanæ Ordinis Minorum S. Francisci de Observantiæ Excalceatorum nuncupatorum, Decretum tenoris, qui sequitur videlicet: Mexicana. Ad humillimas preces Sanctissimo Domino Nostro Clementi PP. XI. a Patre Josepho de Sottomayor Ordinis Excalceatorum Sancti Francisci, & Provinciæ Mexicanæ Proministro porrectas a Sanctitate Sua ad Sac. Rituum Congregationem remissas, & ab Eminentissimo, & Reverendissimo Domino Cardinale S. Clementis relatas: Sac. eadem Rituum Congregatio gratiam alia sub die 13. Augusti anni 1701. eidem Ordini Provinciæ Bathicæ impartitam extendendo, benigne indulget, atque concessit, ut in Ecclesiis Ordinis prædicti Excalceatorum S. Francisci Provinciæ Mexicanæ qualiter die Sabbati per annum non impediti officio duplici primæ, & secundæ Classis, exceptis Sabbato Sancto, Sabbatis infra octavam Resurrectionis Domini Nostri, & Pentecostes, & Vigilia Nativitatis Domini, si in Sabbatum inciderit, non omissa Conventuali, unica etiam Missa Votiva de Beata Maria Virgine celebrari possit, & valeat. Die 4. Aprilis 1705. G. Cardinalis Carpineus. Loco † Sigilli. B. Inghirami Sac. Rit. Congr. Secr.

Decretum præd., in quo tamen excipiuntur nonnulla Sabbata.

Preces Proministri Provincialis.

Confirmatio relati Decreti.

Clausula.

§. 1. Cum autem, sicut prædictus Josephus Nobis subinde exponi fecit, ipse Decretum hujusmodi quo firmius subsistat, & servetur exactius Apostolicæ confirmationis nostræ patrocinio communiti plurimum desideret: Nos ipsum Josephum specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a Jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum auctoritate Apostolica tenore præsentium confirmamus, & approbamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 2. Decernentes easdem præsentibus literas semper firmas, validas, & efficaces existere, & fore, suosque plenarios, & integros effectus sortiri, & obtinere, ac illis, ad quos spectat, & pro tempore quodcumque spectabit in omnibus, & per omnia plenissime suffragari. Sicque in præmissis per quoscumque Judices Ordinarios, & Delegatos, etiam Causarum Palatii Apostolici Auditores, judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, cæterisque contrariis quibuscumque.

Datum Romæ apud S. Petrum sub Annulo Piscatoris die VIII. Maji MDCCV. Pontificatus nostri anno Quinto.

L V.

Confirmatur Decretum Congregationis Epif., & Reg. de non immutando habitu, & Breviario Congregationis Præmonstratensium Hispaniarum.

Hoc Decreto decernitur non esse executioni mandandam Constitutionem ed. 1703. Feb. 8. P. 3. Et Inn. XIII. Const. ed. 1724. Feb. 9. P. 3. conceditur facultas recitandi Officia Sanctorum priorum juxta Rituum Breviarii, & Missalis Romani.

Manavit nuper a Congregatione Venerabilium Fratrum Nostrorum S. R. E. Cardinalium negotiis, & consultationibus Episcoporum, & Regularium præposita in causa prætenfæ commutationis habitus, & officii inter dilectos filios Canonicos Regulares Congregationis Præmonstratensium Hispaniæ ex una, & modernum Procuratorem Generalem Ordinis Præmonstratensium Galliæ etiam, nonnullosque Religiosos ejusdem Congregationis Hispaniæ ex altera partibus vertente Decretum tenoris, qui sequitur, videlicet. In Causa Hispaniarum prætenfæ commutationis habitus, & officii vertente inter Congregationem Præmonstratensium Hispaniæ ex una, & Procuratorem Generalem Ordinis Præmonstratensium Galliæ &c. & nonnullos Patres ejusdem Congregationis Hispaniæ partibus ex altera, Sacra Congregatio Eminentissimorum, & Reverendissimorum S. R. E. Cardinalium negotiis, & consultationibus Episcoporum, & Regularium præposita, ad quam Sanctissimus Dominus Noster preces ejusdem Congregationis Præmonstratensium Hispaniarum remisit, mature perpenfis Brevibus B. Pii V. san. mem. Gregorii XIII., Clementis VIII., & Urbani VIII., & Resolutionibus ipsius Sacræ Congregationis alias emanatis super eadem prætenfæ mutatione habitus, re discussa in ipsa Sacra Congregatione favore memoratæ Congregationis Hispaniarum necnon Statutis primævis Ordinis Præmonstratensium, & Constitutionibus prædictæ Congregationis Hispaniæ, habitaque opportuna Informatione Brevis san. mem. Innocentii XII. ad instantiam nonnullorum Religiosorum præfatæ Congregationis Hispaniarum expediti, atque attente considerato Brevi motu proprio a Sanctitate Sua die 8. Februarii 1703. concessio, mutationem habitus, & Breviarii in eadem Congregatione Præmonstratensium Hispaniarum deferri, & recitari respective consuevi demandante, Partibus hinc inde informantibus, referente Eminentissimo S. Clementis, censuit, ac decrevit, si eidem Sanctissimo Domino Nostro placuerit, præfatum Breve a Sanctitate sub dicta die 8. Februarii 1703. concessum, non esse exequendum Romæ 30. Januarii 1705. Et die 7. Februarii dicti anni, facta super præmissis relatione eidem Sanctissimo Domino Nostro, Sanctitas Sua prædictæ Sacræ Congregationis sententiam benigne approbavit, prædictumque Breve executioni non demandari jussit. Romæ &c. Cardinalis Carpineus, J. F. Grimaldus Secr.

§. 1. Cum autem, sicut pro parte dilecti filii Joannis Arevali Canonici Regularis expressæ professæ, ac Procuratoris dictæ Congregationis Hispaniæ Nobis subinde expositum fuit, ipse Decretum hujusmodi, quo firmius subsistat, & servetur exactius, Apostolicæ confirmationis nostræ patrocinio communiti plurimum desideret, Nos ipsum Joannem specialibus favoribus, & gratiis prosequi volentes, & a quibusvis excommunicationis, suspensionis, & interdicti, aliisque ecclesiasticis sententiis, censuris, & penis a Jure, vel ab homine, quavis occasione, vel causa latis, si quibus quomodolibet innodatus existit ad effectum præsentium dumtaxat consequendum harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum præinsertum auctoritate Apostolica, tenore præsentium approbamus, & confirmamus, illique inviolabilis Apostolicæ firmitatis robur adjicimus, salva tamen semper in præmissis auctoritate memoratæ Congregationis Cardinalium.

§. 2. Decernentes easdem præsentibus literas

Decretum præd. quo statuitur, non esse executioni mandandam Constitutionem ed. 1703. de mutatione habitus, & Breviarii.

Confirmatio relati Decreti.

Clausula.

semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis, ad quos spectat, & pro tempore spectabit in omnibus, & per omnia plenissime suffragari, & ab eis respective inviolabiliter observari: sicque in præmissis per quoscumque Judices ordinarios, & Delegatos, etiam Causarum Palatii Apostolici Auditores judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ac quatenus opus sit Congregationis, & Ordinis hujusmodi, etiam juramento, confirmatione Apostolica, vel quavis firmitate alia roboratis statutis, & consuetudinibus; privilegiis quoque, indultis, & literis Apostolicis in contrarium præmissorum quomodolibet concessis, confirmatis, & innovatis. Quibus omnibus, & singulis illorum tenores præsentibus pro plene, & sufficienter expressis, ac ad verbum insertis habentes, illis alias in suo robore permanentis ad præmissorum effectum hac vice dumtaxat specialiter, & expresse derogamus, ceterisque contrariis quibuscumque.

Datum Romæ apud S. Petrum sub Annulo Piscatoris die XXX. Maji MDCCV. Pontificatus nostri Anno Quinto.

LVI.

Conceditur facultas mittendi Discretum, & Juvenes Provinciæ Aquitanie Antiquioris Ordinis S. Francisci de Observan. ad Cœnobium Parisiense.

Pro restitutione hujus facultatis a Clem. X. edita fuit Const. ed. 1672. Oct. 18. Et hujus Pontificis Constit. ed. 1708. Dec. 18. P. 9. præcipitur executio Constitutionis Clem. X.

Dat. 28. Sept.
1705. An. 5.

CLEMENS PAPA XI.

Ad futuram rei memoriam.

EXponi nobis nuper fecit dilectus filius Philippus Faure Exdiffinitor Generalis, & Minister Provincialis Provinciæ Aquitanie Antiquioris Ordinis Fratrum Minorum S. Francisci de Observantia nuncupatorum, quod a nonnullis annis per quasdam fel. rec. Clementis PP. X. Prædecessoris nostri desuper in simili forma Brevis expeditas literas ad instantiam tunc existentis Ministri Provincialis dicte Provinciæ nomine Joannis Jourdain prohibitum fuit, ne Discretus, & Studentes ejusdem Provinciæ ad Magnum Parisiensem Conventum dicti Ordinis amplius mitterentur, eo quod Regularis Observantia in illo minime vigeret, indeque timeretur, ne ad Provinciam prædictam transactis Studiis redeuntes ab ipsa Regulari Observantia aliquo modo declinarent.

Rationes, & preces Provincialis pro restitutione d. facultatis.

§. 1. Cum autem sicut eadem expositio subjungebat, reformatio in prædicto Conventu Parisien. a tunc pariter existente Ministro Generali Ordinis prædicti introducta fuerit, necnon ibidem Regularis Observantia hujusmodi de præsentibus viget, cessetque proinde talis prætextus, neque simile periculum amplius sit timendum, ac propterea dictus Philippus Exdiffinitor Generalis, & Minister Provincialis Provinciam prædictam in suum Jus, quo ante emanatas literas prædictas pacifice, & absque ulla controversia fruebatur, restitui, eique facultatem mittendi Discretum, & Studentes more solito ad eundem Conventum Parisien. concedi plurimum desideret, & pro Juris hujusmodi restitutione a prædicto Clemente Prædecessore alia itidem in

forma Brevis literæ die 18. Octobris 1672. expeditæ ob legitima tamen impedimenta executioni demandata minime fuerint. Nos ipsius Philippi Exdiffinitoris Generalis, & Ministri Provincialis votis hac in re, favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum serie absolventes, & absolutum fore censentes supplicationibus ejus nomine nobis super hoc humiliter porrectis inclinati, de Venerabilium Fratrum nostrorum S. R. E. Cardinalium negotiis, & consultationibus Episcoporum, & Regularium præpositorum, qui relationem dilecti etiam filii moderni Procuratoris Generalis dicti Ordinis audiverunt, consilio, Superioribus Regularibus, ad quos ceteroqui juxta præscriptum ejusdem Ordinis Constitutionum pertinet, ut Discretum, & Juvenes ad præfatum Conventum Parisien., prout ante primò dictarum in forma Brevis literarum expeditionem confueverant, Studiorum causa mittere possint, & valeant, facultatem auctoritate Apostolica tenore præsentium concedimus, & impartimur.

Concessio præd. Facultatis.

Claufulæ.

§. 2. Decernentes ipsas præsentibus literas semper firmas, validas, & efficaces existere, & fore, suosque plenarios, & integros effectus fortiri, & obtinere, ac illis ad quos spectat, & pro tempore spectabit, plenissime suffragari: Sicque in præmissis per quoscumque Judices Ordinarios, & Delegatos etiam Causarum Palatii Apostolici Auditores, judicari, & definiri debere; ac irritum, & inane, si secus super his a quoquam quavis auctoritate scienter, vel ignoranter contigerit attentari.

§. 3. Non obstantibus Constitutionibus, & Ordinationibus Apostolicis, ceterisque contrariis quibuscumque.

Datum Romæ apud S. Mariam Majorem sub Annulo Piscatoris die XXVIII. Septembris MDCCV. Pontificatus Nostri Anno Quinto.

Mandatur Provinciali Fratrum Minorum Discale, Provinciæ Mexican., quod juri præcedendi Fratribus Eremitis S. Augustini absque consensu Diffinitorii, & Discretorii nuncium remittere nequeat.

LVII.

Hujusmodi jus concessum fuit ab Innoc. XII. Const. ed. 1700. Apr. 3. P. 9. Et postea confirmatum ab hoc Pontif. Const. ed. 1702. Novem. 24. P. 3. Et Const. ed. 1714. Oct. 6. P. 14. agitur de primatu inter Fratres Clericos, & Laicos Provincie Baticæ.

Dilecto Filio moderno, & pro tempore existenti Ministro Provinciali Provinciæ S. Didaci Mexican. Ord. Fratrum Minorum S. Francisci de Observantia Discaleatorum nuncupatorum.

CLEMENS PAPA XI.

Dilecte fili Salutem, & Apostolicam benedictionem.

CUM sicut dilectus filius Isidorus a Jesu verbi Dei Prædicator, & Procurator Provincialium SS. Josephi, Joannis Baptistæ, & Petri de Alcantara Ordinis Fratrum Minorum Sancti Francisci de Observantia Discaleatorum nuncupatorum Hispaniarum Nobis nuper exponi fecit, alias ad favorem Fratrum Provinciæ Sancti Didaci Mexican. a fel. rec. Innocentio PP. XII. Prædecessore nostro die 14. Junii 1700. emanarunt in simili forma Brevis Literæ expeditæ con-

Dat. 12. Dec.
1705. An. 6.

firmatoriz